




Jumat, 11 November 2022

Ogen: 1 SAMUEL 17: 41-54



Sipermenang



Goliat e me pahlawan kalak Pilisti. Selaku sekalak prajurit si terlatih erperang ras mbue musuh nggo italukenna man kerajaan Pilisti, Goliat pe jadi pimpinen militer kerajaan Pilisti. Daud e me pahlawan kalak Israel kenca ia ngasup naluken Goliat, si secara fisik ndauh belinen asangkan ia, secara pengalamen perang pe talu nge Daud, tapi sada ngenca la tertaluken Goliat i bas diri Daud, eme kiniteken. Daud percaya diri erkiteken ia percaya man Tuhan. Jadi duana kalak enda jadi contoh kerna pahlawan. Tapi ise nge pahlawan si tuhu-tuhu ras ise nge si permenang si tuhu-tuhu e? Enda perlu si selidiki alu payo, gelah ula salah.

Pahlawan ertina sekalak si siitandai erkiteken kinipangen ras pengorbanenna i bas mbela kebenaran. Goliat ras Daud e me pahlawan menurut kaumna masing-masing. Sebab ia alu gagah berani membela negarana jine secara gagah berani. Tapi perlu sicutat maka labo terjeng gagah berani gelah banci jadi sekalak pahlawan, igelari pahlawan adi siiperjuangkan e e me hal si benar, erkawiten ras kepentingan enterem jelma si tujunna e me mereken dalam pulah ras keselamatan. Pahlawanta situhu-tuhu eme Tuhan Yesus, si alu pang ngalaken kematen gelah kerina kalak si tek e ndatken keselamatan.

Tuhan pe mahanca keke ukur pejuang-pejuang kemerdekaan negrita enda, Tuhan kang simpetetap ukur pemimpin-pemimpin bangsata seh asa genduari. Tuhan si mengutus tenaga misionaris jadi pahlawan rohani, Tuhan kap sinampati kerina kalak si ersura-sura ndalanken kebenaran, tetap teguh ncikep kebenaran e. Tuhan mpengasup tenaga-tenaga honorer ngajar alu gaji si kitik kel. Kerina e layak isebut selaku pahlawan. Mari siluangken waktu notoken kerina pahlawan-pahlawan si lit, bas Hari Pahlawan Nasional enda.

Bangsa yang besar adalah bangsa yang menghargai jasa pahlawannya